

## **Пренесёние мощей святаго благовернаго великаго князя Александра Невского (12 сентября н.ст.)**

Блажен муж: 1-й антифён. На Господи, возвах: Стихиры святому, глас 6:

По имени твоему тако и житие твоё,/ благоверный княже  
Александре:/ мужеством бо на земли и добрым правлением,/ ныне же на  
Небеси молитвами помоществуеши людям твоим./ Темже ты и в тебе  
славимаго/ во святых Своих Бога почитаем.

Добр строитель и добль воин,/ скипетром на престоле право правя/ и  
во брани оружием защищая люди твоя,/ сугубая чести сподобился еси/ от  
Вышняго Правителя и Господа Саваофа.

Большия любве никтоже имать от сея,/ аще кто положит душу свою  
за други своя;/ сицево люди твоя возлюбил еси,/ на оружие вражие за ня  
мужественно исходя,/ Богу осеняюще над главою твою в день брани.

Моисея и Давида/ и прочих людей Божиих вождов подражая,/  
мужественно во бранех за люди твоя подвизался еси,/ темже и на Небеси  
с ними, победитель, торжествуеши,/ моляся о воинствующим ко Господу.

Слава, глас тойже:

Веселися, Ижерская земле/ и вся Россійская странó,/ Варяжское  
море, восплещи руками,/ Невó рекó, распространí своя струй:/ се бо князь  
твой и владыка,/ от ига свейскаго ты свободивый,/ торжествует во граде  
Божии,/ егóже веселят речная устремления.

И ныне, Богородичен

Таже вход. Прокимен дне. И чтения.

### **Пророчества Исаиина чтение (глава 66):**

Веселися, Иерусалиме,/ и торжествуйте в нем, вси любящие его,  
радуйтесь вкупе,/ радуйтесь вси, елицы плачете по нем,/ да, ссавше,  
насытитесь от сосец утешения его,/ да, ссавше, насытитесь от входа славы  
его./ Яко се глаголет Господь:/ се Аз совращу в ня, яко реку мира,/ и яко  
поток, потопляющ славу языков./ Дети их на раму воздвигнутся и на  
колѣну утешатся;/ якоже когó мати его утешает, такоже и Аз утешу вы,/ и  
во Иерусалиме утешитесь, и узрите, и возрадуется сердце ваше./ И кости  
ваша, яко трава, прозябнут,/ и познается рука Господня чтущим Ё, и

воспретит непокаряющимся./ Тако глаголет Господь,/ избавлей ты, Бог Израилев.

### **Пророчества Исаиина чтение (главы 61 и 62):**

Да возрадуется душа моя о Господе,/ облечё бо мя в ризу спасения/ и одеждею веселия одёя мя:/ яко жениху, возложь мне венец/ и, яко невесту, укрась мя красотой./ И яко земля, растящая цвет свой,/ и яко вертоград семена своя прозябает,/ тако возсияет Господь правду и радость пред всеми языки./ Сиона ради не умолкну и Иерусалима ради не поущу,/ дондеже убо изыдет, яко свет, правда моя,/ спасение же моё, яко свеща, разжётся./ И узрят языцы правду твою, и вси царие земстии славу твою,/ и нарекутся именем твоим новым, еже Господь именует е./ И будеши венец доброты в руке Господни/ и диадима царствия в руке Бога твоего./ И кому не наречешися оставлен,/ и земля твоя кому не наречётся пуста./ Тебе бо наречётся воля моя,/ и земля твоя вселенная,/ яко благоволит Господь в тебе, и земля твоя населится./ И яко живый юноша с девою, тако поживут сынове твой с тобою./ И будет, имже образом возвеселится жених о невесте,/ тако возвеселится Господь о тебе.

### **Пророчества Исаиина чтение (глава 60):**

Светися, светися, Иерусалиме,/ прииде бо твой свет и Слава Господня на тебе возсия./ Яко се тма покрыет землю и мрак на языки,/ на тебе бо явится Господь, и Слава его на тебе узрится./ И пойдут царие светом твоим, и языцы светлостию востока твоего./ Возведи окрест очи твой и виждь собранная чада твоя./ Приидут вси сынове твой издалеча,/ и дочери твой на рамах возьмутся./ Тогда узриши, и возрадуешься, и убойшися, и ужаснешися сердцем,/ егда предложит на тя богатство моря, и язык, и людей./ И приидут ти стада вельблуд, и покрывают тя вельблуды мадиамстии и гефарстии,/ вси от Савы приидут, носяще тебе злато и ливан,/ принесут тебе и камень честен и спасение от Господа благовестят./ И вся овцы кидарския соберутся тебе,/ и овны навеофстии приидут тебе,/ и вознесутся приятная на жертвенник Мой,/ и дом молитвы Моей прославится./ Кии суть, иже, яко облацы, летают,/ и яко голубие со птенцы своими?/ Со Мною есть Сион,/ Мене острова ожидаша и корабли фарсийстии в первых,/ еже привести чада твоя издалеча,/ и серебро и злато их с ними,/ за имя Господне святое и за еже Святому Израилеву славу быти./ И созиждут сынове инородни стены твоя,/ и царие их предстанут тебе,/ за гнев бо Мой поразих тя и за милость мою возлюбих тя./ И отверзутся врата твоя, Иерусалиме,/ выну день и ночь, и не затворятся,/ еже ввести

к тебѣ сілу языков и царі их ведо́мыя./ Языцы бо и ца́рие, іже тебѣ не порабо́тают, погібнут,/ и языцы запустѣніем запустѣют./ И Сла́ва Лива́нова к тебѣ приидет в кипари́се, и пѣвке, и ке́дре вку́пе,/ просла́вит и ме́сто свято́е Моѣ, и ме́сто ног Моіх просла́влю./ И по́йдут к тебѣ, боя́щися, сы́нове смири́вших тя и прогнѣвавших тя,/ и поклóнятся следáм ног тво́их вси, прогневáвший тя,/ и нарече́шися град Госпо́день, Сио́н Свята́го Изра́илева./ За е́же бы́ти тебѣ оста́влену и возненави́дену, и не бе помога́яй тебѣ,/ и положу́ тя в ра́дость вѣчную, весе́лие ро́дом родо́в./ И иссе́ши млеко́ языков, и бога́тство царей снеси,/ и разуме́вши, я́ко Аз Госпо́дь, спаса́яй тя/ и избавля́яй тя, Бог Изра́илев.

#### **На литіи стихіры, глас 4:**

Да веселітся днѣсь но́вый Изра́иль о сотво́ршем его́,/ и сы́нове Росси́йстии да возра́дуются/ о кня́зе своѣм, благове́рном Алекса́ндре Не́вском:/ се бо ца́рскою диади́мою/ венча́ его́ Ца́рь ца́рствующим.

Аще на́ми и влады́чествуеши,/ благове́рный кня́же Алекса́ндре,/ оба́че раба́ Бо́жия тя имену́ем,/ Его́же, влады́чествуя, нам Го́спода своего́ испове́дал еси́,/ Ему́же послужі́л, от Него́же и услы́шал еси́:/ благи́й ра́бе, до́брый и ве́рный,/ вни́ди в ра́дость Го́спода твоего́.

Прельсти́шася фарисее́, глаго́люще:/ кто от кня́зь ве́рова в Онь?/ Се бо благове́рный кня́зь Алекса́ндр Не́вский/ ве́рова во Иису́са распя́таго,/ и благоче́стием угоди́ ему́,/ и воспри́ят спасѣ́ние вѣчное.

#### **На стихо́вне стихіры свято́му, глас 6:**

Испове́дава́шаго И́мя Иису́сово пред челове́ки,/ испове́дует тя Иису́с пред Отце́м Свои́м на Небеси́;/ и мы на земли́ воспева́ем тя,/ благове́рне Алекса́ндре,/ я́ко моля́щагося о душа́х на́ших.

**Стих: Честна́ пред Го́сподем/ сме́рть преподо́бных его́.**

Се́рдцем ве́ровал еси́ в пра́вду,/ усты́ же пред мучи́телем испове́довал еси́ во спасѣ́ние;/ убо́ я́ко істи́нный испове́дник и насле́дник,/ моли́ся о спасѣ́нии душ на́ших.

**Стих: Блаже́н муж, боя́йся Го́спода,/ в за́поведах его́ восхо́щет зело́.**

Му́чеников подража́тель,/ не убо́ялся еси́ пострада́ти,/ я́ко добр вои́н Иису́с Христо́в,/ изволе́нием быв му́ченик./ Те́мже и с му́ченики венча́лся еси́/ от Подвигополо́жника Иису́са.

Сла́ва, глас 2:

Прииді́те, вси Росси́йстии чі́ни,/ восхвали́те до́браго  
чинонача́льника:/ вла́сти — му́драго стро́ителя,/ во́ини—прехра́браго  
во́ина,/ Правосла́вия любі́тели — твёрдаго испове́дника, изволе́нием  
му́ченика./ Повину́йтесь наста́внику ва́шему, и пока́ряться,/ и, ви́девше  
кончи́ну его́,/ подража́йте ве́ре его́.

И ны́не, глас той же, Богородичен

**Тропа́рь свята́го Алекса́ндра, глас 4:**

**Позна́й свою́ бра́тию, Росси́йский Ио́сифе,/ не в Египте, но на  
Небеси́ ца́рствующий,/ благове́рный кня́же Алекса́ндре,/ и приими́  
моле́ния их,/ умножа́я жи́та лю́дем плодonóсием земли́ твоея́,/ гра́ды  
влады́чества твоего́ огражда́я моле́нием/ правосла́вным  
христиа́ном на сопроти́вныя спобо́рствуя.**

**По 1-м стихосло́вии седа́лен свято́му, глас 4.**

Да веселі́тся днёсь но́вый Израі́ль о сотво́ршем его́,/ и сы́нове  
Росси́йстии да возра́дуются о кня́зе своём, благове́рном Алекса́ндре  
Не́вском:/ се бо ца́рскою диади́мою венча́ его́ Ца́рь ца́рствующим.

Сла́ва, и ны́не, Богоро́дичен:

Небе́сную двéрь и киво́т, пресвяту́ю го́ру,/ све́тлый о́блак воспо́йм,  
неопали́мую купину́, словесный рай,/ Ё́вы воззва́ние, вселénныя всея́  
вели́кое сокро́вище,/ я́ко спасе́ние в Ней соде́лася мірови и оставле́ние  
древни́х согреше́ний./ Сего́ ра́ди вопи́ем Ей: моли́ся Сы́ну Твоему́  
прегреше́ний оставле́ние дарова́ти/ благоче́стно покланя́ющимся  
всесвято́му рождеству́ Твоему́.

**Велича́ем тя,/ благове́рный кня́же Алекса́ндре,/ и чтим святу́ю  
па́мять твою́,/ ты бо мо́лиши о нас/ Христа́ Бо́га на́шего.**

Стихи: Воскли́кните Го́сподеви, вся земля́, по́йте же И́мени его́,  
дади́те сла́ву хвале́ его́. Услы́шите сия́, вси язы́цы, внуші́те вси живу́щии  
по вселénней. Кро́тцыи насле́дят зе́млю и насла́дятся о мно́жестве  
міра. Го́споди, возлюбі́х благоле́пие до́му Твоего́ и ме́сто селéния сла́вы  
Твоея́. Возсия́ет во днeх его́ пра́вда и мно́жество міра, до́ндеже оты́мется  
луна́.

## По полиелѣи седáлен, глас 4.

Дух Святѣй ты, блаженне, наста́ви оте́чество твоѣ па́ствити на па́житех спасі́тельных,/ и Христос светі́льника ты показá я́ве./ сего́ ра́ди лику́й и веселі́ся со дерзнове́нием,/ я́ко сугубы́я венцы́ от Венцеда́вца при́йм.

Сла́ва, и ны́не, Богоро́дичен:

Гаври́илу вещавшу Тебе́, Де́во,— ра́дуйся!/  
со гласом воплоща́шеся  
всех Влады́ка/  
в Тебе́, святе́м киво́те,/ я́коже рече́ пра́ведный Дави́д:  
я́вилася еси́, ші́ршая Небе́с,  
поносі́вши Жижді́теля Твоего́./  
Сла́ва  
Всѣльшемуся в Тя,/ сла́ва Проше́дшему из Тебе́,  
сла́ва Свобо́дившему нас  
рождество́м Твои́м.

Степе́нна, 1-й антифо́н 4-го гласа. **Прокі́мен, глас 4: Вознесо́х избра́ннаго/ от люде́й Мои́х.** Стих: Сего́ ра́ди пома́за Тя, Бо́же, Бог Твой, е́леем ра́дости па́че прича́стник Твои́х. Вся́кое дыха́ние: Ева́нгелие от Иоáнна, зача́ло 36.

## По 50-м псалме́ стихі́ра, глас 6:

Прииді́те, вси лю́дие,/ хвалу́ принесѣ́м Блаже́нному,/ вопи́юще си́це:  
ра́дуйся, пресвѣ́тлый сто́лпе,/ просвеща́я нас чуде́с свѣ́тлосты́ми;/ ра́дуйся,  
ро́сный о́блаче,/ пла́мень погаша́яй страсте́й/ и ороша́яй ве́рных мы́сли,  
Божество́нный Алексáндре.

## Кано́н свято́му, глас 8.

### Пѣснь 1

Ирмо́с: *Воду́ проше́д, я́ко су́шу,/ и егѣ́петскаго зла избежа́в,/ израі́льтянин вопія́ше:/ Изба́вителю и Бо́гу на́шему по́йм.*

Досто́йны ми похвала́ми воспѣ́ти пресла́внаго чудотворца,/ ум и  
смысл да́руй ми, Христѣ́ Бо́же,/ я́ко да воспою́, ра́дуясь, па́мять его́.

Светі́льниче многосвѣ́тлый Росси́йския землі́,/ я́коже второ́е со́лнце,  
чудесы́ сия́я,/ всех нас помина́й, соверша́ющих па́мять твою́, Алексáндре  
блаженне.

Богому́дре Алексáндре,/ а́ще ты и напоследок лет богопросвещѣ́нная  
Росси́йская страна́ возрасти́,/ но дрѣ́вних че́сти сподо́бился еси́,  
дарова́ние чуде́с досто́йно при́ем.

Богорóдичен: Закóнов кромé естéственных, Дéво, родилá есѣ  
Законодáвца Бóга, Человéка бѣвшá./ Тогó, я́ко Блáга, моли́,  
Всенепо́рочная,/ нáша беззакóния презрéти.

### Пѣснь 3

Ирмóс: *Небéснаго кру́га Верхотвóрче, Гóсподи,/ и Цérкве  
Зиждѣ́телю,/ Ты менé утверди́ в любви́ Твоéй,/ желáний кра́ю, вѣрных  
утверждéние,/ Еди́не Человеколю́бче.*

Светѣ́льник свѣта явѣ́лся есѣ́, Алексáндре всеблажéнне,/ недúгов  
глубóкую тьмú разрушáя всегда́ зарéю свѣтлою чудéс, премúдре.

Престóлу предсто́йши благодáти,/ со всѣ́ми Áнгелы рáдуясь днéсь и  
мѣ́ру исцелéния раздавáя богáтство,/ спасѣ́ всех нас моли́твами тво́ими,  
блажéнне.

Благочестѣ́ваго и венценóснаго Алексáндра, сошѣ́дшеся, по  
достóйно восхвáлим,/ я́ко чудéс подáтеля обѣ́льнаго/ и Гóсподу  
моля́щася о всех нас.

Богорóдичен: Я́ко во́истинну Госпóдь воцарѣ́ся в Цáрствие не  
отпáдающее/ и облечéся псалóмски из Тебé, Богомáти, в крáсное  
благолéпие, плóть святúю,/ ё́юже смéръ при́ят и разруши́ ея́ цáрство.

### Седáлен, глас 8:

Я́ко звездá многосвѣ́тлая явѣ́лся есѣ́,/ свѣтлаго рáди житѣ́я твоегó  
сосúд Святáго Дúха бѣв./ сегó рáди по мнóгих лéтех во грóбе нетлénны  
обретóшася свѣ́тыя тво́я мóщи,/ от нѣ́хже источáеши рéки чудéс  
исцелéний вѣ́рно зовúщим ти:/ рáдуйся, благовѣ́рный вели́кий кня́же  
Алексáндре.

Слáва, и ны́не, глас то́йже:

Трóицу славослóвим, вѣ́рнии, Единосúщную,/ призрé бо на смирénие  
нáше, отгъ́т поношénие во челове́цех,/ утверди́ мѣ́лость сво́ю на нас, во  
ё́же соблюсти́ нас и невредных сохрáнити./ Тѣ́мже благословѣ́м Бóга  
нáшего.

### Пѣснь 4

Ирмóс: *Услы́шах, Гóсподи,/ смотре́ния Твоегó та́инство,/ разуме́х  
делá Тво́я/ и прослáвих Твоё́ Божество́.*

Зарёю Трисóлнечныя благодáти сия́я,/ свѣтле твой прáздник  
творящих озарí/ и стра́стного омраче́ния де́монскаго избáви, Алексáндре  
преслáвне.

Святíтелие и мона́си, священни́цы и прости́и,/ ста́рцы со ю́нотами и  
весь во́зраст,/ свѣтло предыгра́йте и па́мять блаже́ннаго в пѣснях  
возвели́чите.

К Божѣственному Свѣту ны́не преста́вился еси́,/ Свѣта сын возлю́блен  
быв,/ в ра́дости и красоте́ с ли́ки а́нгельскими ны́не ра́достно лику́еши.

Богоро́дичен: Име́ю Тя Помо́щницу и не постыждúся, Пречи́стая  
Ма́ти Бо́жия,/ име́ю Тя Предста́тельницу и враг мо́их не убо́юся.

### Пѣснь 5

Ирмо́с: *Утренююще, вопи́ем Ти:/ Го́споди, спаси́ ны,/ Ты бо еси́ Бог  
наш,/ ра́зве Тебе́, ино́го не ве́мы.*

Яко звезда́ свѣтла яви́ся непрелѣстна,/ пленѣнных свободíteль, и  
ни́щих богатíteль, и боля́щих врач,/ Цѣркве побóрник и оте́чества на́шего  
утвержде́ние.

Яви́ся в Росси́йстей земли́ чудотво́рец преслáвен, Алексáндр  
Блаже́нный,/ я́ко всесвѣтел светíльник, сия́я во всем ми́ре/ и во мра́це  
страсте́й озаря́я вся.

Досточúдная и преслáвная па́мь тво́я/ возсия́ в Росси́йстей земли́,  
блаже́нне,/ и ра́достно ве́рных веселíт собо́ры.

Отверзо́шася тебе́ двѣри еде́мския,/ и несказáнен свет и трисия́нен  
возсия́, блаже́нне, в неподви́жимем Ца́рствии Небе́снем,/ и пра́ведных  
весѣлие прия́л еси́, раду́ясь.

Богоро́дичен: Ме́ртвости и тли избáвила еси́ челове́чество,/ естество́м  
бо Жизнода́вца и Бо́га без се́мене родила́ еси́, Де́во Всенепоро́чная,/ на  
благодѣ́яние восхваля́ющих Тя ве́рно.

### Пѣснь 6

Ирмо́с: *Очи́сти мя, Спа́се,/ мно́га бо беззакóния моя́,/ и из глубины́ зол  
возведи́, молю́ся,/ к Тебе́ бо возопíх, и услы́ши мя,/ Бо́же спасе́ния моего́.*

От пречестна́го ко́рене изра́сл еси́ ве́твь, преслáвне,/ и благоче́стно на  
земли́ пожíл еси́,/ и приятелище чíсто Ду́ха яви́лся еси́,/ освяща́я ве́рою  
притека́ющая ти, блаже́нне.

Весéлия днесь испóлнися вся Россíйская землѣ/ в нарóчитый дéнь  
праздника преслáвнаго чудотвóрца, Алексáндра блажéннаго:/ соблюдаёт  
бо отéчество своё вѣну ненавётно.

Сирóт и вдов заступника и в бедáх непоборíмага помóщника,/   
пéснями Алексáндра ублажím, слáвяще:/ празднующих бо пáмять егó  
вёсело от бед избавлѣет и скорбѣй.

Богорóдичен: Сýщи пресвятýй храм, Богорóдице,/ Истóчник родилá  
есí, Всенепорóчная, неисчерпаемый, Влады́чице.

#### Конда́к свята́го, глас 4:

**Якоже срóдницы твоѣ Борís и Глеб/ явѣшася тебѣ с Небесé в  
пóмощь,/ подвижа́ющемуся на Вѣлгера Свѣйскаго и вóев егó,/ та́ко и  
ты ны́не,/ блажéнне Алексáндре,/ прииди́ в пóмощь твоѣм срóдником/  
и побори́ борющия ны.**

#### Їкос:

Їже дрéвле навѣты вра́жиими расточéнный,/ я́ко орёл птенцы́ под  
крилѣ, собира́ше лю́ди своя́,/ сей и ны́не на духо́вное торжество́ собира́ет  
нас;/ приидите́ ўбо, возра́дуемся Го́сподеви,/ и прослáвим прослáвльшаго  
срóдника на́шего и влады́ку, и возопи́им:/ ра́дуйся, Россíйская сла́во,  
скíпетров держа́во,/ вóев храбросте, ору́жия крѣпосте,/ помина́й ста́до  
твоё, над нímже Госпо́дь поста́ви тя,/ и побори́ борющия ны.

#### Пёснь 7

*Ирмо́с: От Иудеи доше́дше, о́троцы/ в Вавило́не иногдá/ вѣрою  
Тро́ическою пла́мень пѣщный попра́ша, пою́ще:/ отцѣв Бо́же,  
благословѣн есí.*

Днесь Цѣрковь Христо́ва, праздну́ючи Алексáндрово торжество́,/   
соше́дшимся во́истинну источáет благода́ть,/ приле́жно моля́щимся и  
любо́вию пою́щим егó.

Во всех страна́х Россíйских произы́де вещáние,/ я́ко явѣся в них  
чудотвóрец преслáвен,/ источáя исцелéний мно́жество всем пою́щим  
тѣпле.

Чудесы́ ўбо твоѣими, я́ко цвет, процвѣл есí, блажéнне,/ и исцелéния  
подава́еши притека́ющим в кров твой, му́дре и досточúдне.



Богорóдичен: От дéвственных ложéсн Твои́х вопло́щся,/ Бог яви́ся на спасéние нáше./ Тéмже Тя Мáтерь вéдуще, Богорóдице, правовéрно вопи́ем е́му:/ о́тец нáших Бóже, благословéн еси́.

## Пéснь 8

Ирмóс: *Богогла́голиши óтроцы, в пеи́и/ со огнём пла́мень попира́юще, пояху:/ благослови́те, дела́ Господня́, Гóспода.*

Тебе́ в чудесéх сла́вна Росси́йским страна́м показá Бог, Алексáндре,/ и украси́ тя Небéсными дáры,/ Тогó моли́ помíловати всех нас.

Я́ко úтро, я́ко дéнь свéтлый твой прáздник яви́ся,/ просвещáя нáша сéрдца и всех с вéрою восхваля́ющих тя, Алексáндре пресла́вне.

Дéнь торжествá и прáздник весéлия настá,/ стецéмся, вéрнии, очíстивше вкúпе дýши и телесá:/ се бо нас призывает Алексáндр Божéственный.

Богорóдичен: Óбразы нося́щи дрéвле Рождествá Твоегó, Дéво Мáти,/ пéщь úбо ю́ношей не опали́,/ та́кожде и о́гнь Божéственный утробы́ Твое́й, Чíстая.

## Пéснь 9

Ирмóс: *Ужасéся о сем Нéбо,/ и земли́ удиви́шася концы́,/я́ко Бог яви́ся челове́ком плóтски и чрéво Твое́ бы́сть простра́ннейшее Небéс./ Тем Тя, Богорóдицу,/ А́нгелов и челове́к чиноначáлия велича́ют.*

Твое́ святóе преставлéние днéсь свéтло прáзднуем,/ испóлни рáдости и весéлия восхваля́ющих тя, Алексáндре великоименíte.

Вéлий щит и крéпость в Росси́йстей земли́, Алексáндре, обрéлся еси́,/ правосла́вным же лю́дем нáшим похвалéние,/ и нýне мо́лимся ти:/ сохраня́й отéчество твоё от язы́ка чужда́го.

Незаходíмага свéта лучáми во тьмé сýщим сия́я, сла́вне,/ к просвещéнию весéлия настáви ны, пою́щих тя.

Блажéнне Алексáндре, ка́ко ты возмо́жем воспéти достóйно?/ Не мо́жет бо язы́к изгла́голати тво́я разли́чная исцелéния, и мно́гая даровáния, и чудесá,/ я́же подава́еши наслéдию тво́ему.

Богорóдичен: Я́ко úтро, тёмным и блудя́щим, Дéво,/ возсия́ Пράвды Сóлнце, Христóс,/ Егóже на руках Твои́х носíла еси́, Чíстая.

## **Светілен.**

Слы́шана бы́сть в свѣйскихъ странахъ превели́кая Сла́ва твоя́,  
Алекса́ндре,/ ꙗ́ко еди́нем му́жественнымъ и́менемъ твои́мъ устраша́хуся  
сопроти́внии,/ и ны́не, блаже́нне, враги́ на́ша невидимо устраша́й,  
ополча́ющияся на христолю́бное твоѐ во́инство.

Сла́ва, и ны́не:

Ужа́сное Твоѐ предста́тельство, Мари́е Богоукраше́нная,/ и стра́шная  
Твоя́ сла́ва по всей земли́./ О Тебе́ вси ны́не хвали́мся,/ Тя Ходата́ицу  
иму́ще к Сы́ну и Созда́телю Твоему́,/ неусы́пную Твоею́ моли́твою да  
спаса́емся вси.

### **На хвали́тех стихи́ры свята́го, глас 8.**

О, пресла́внаго чудесе́!/ Ми́ром облада́яй оставля́ет мир,/   
скипетроно́сец Росси́йский отлага́ет ски́петр,/ совлacháется порфи́ры/ и  
гро́бною покрыва́ется плащани́цею,/ венча́нная глава́ княже́скую диади́му  
с себе́ низлага́ет,/ вре́менное ца́рство оставля́ет на земли́,/ о вѣ́чном  
извѣ́стен на Небеси́,/ иде́же венча́ся ца́рскою диади́мою.

О, ко́ль мно́гия враги́ победи́л еси́,/ прехра́брый во́ине Иису́с  
Христо́в!/ Ви́димыя – мече́м и благоче́стием,/ невиди́мыя – моли́твою,  
плоть – воздержа́нием,/ мир – отверже́нием ми́ра,/ и тако́, пресла́вный  
победи́тель, на Не́бо возше́л еси́.

Научи́л еси́ нас премудры́м де́лом твои́м:/ ничто́же мо́жем изнести́ от  
ми́ра сего́,/ во́ньже ничто́же внесо́хом./ Того́ ра́ди оста́вив вре́менная,  
возжелáл еси́ Небе́сных,/ ꙗ́же насле́див,/ и нам о́них не лиш́итися моли́,  
мо́лимся.

Сла́ва, глас то́йже:

Подви́гом до́брым подви́залься еси́,/ течѣ́ние сконча́л, ве́ру соблю́л  
еси́,/ благове́рный кня́же Алекса́ндре,/ проче́е же соблю́дѣся тебѣ́ вене́ц  
пра́вды,/ ѿмже венча́ тя ѿсти́нный Мздовозда́тель./ Того́ моли́,  
преблаже́нне,/ вруче́нному тебѣ́ ста́ду,/ сы́ном Росси́йским, спасти́ся.

И ны́не, глас той же

Владычи́це, приими́ молитвы́ рабъ Твоихъ,/ и избави́ нас/ от вся́кия  
нужды́ и печали́.

## НА ЛИТУРГІИ

Прокімен Святаго, глас 7: Честна́ пред Го́сподем/ смѣрть преподо́бных его́.

Апóстол свято́му, зачáло 213.

Евáнгелие свято́му, от Матфе́я, зачáло 43. Прича́стен Святаго: В па́мь вѣчную бу́дет пра́ведник: Аллилу́ия, тріжды.

## Моли́тва

Ско́рый помо́щниче всех усѣ́рдно к тебѣ прибега́ющих и те́плый наш пред Го́сподем предста́телю, святы́й благове́рный княже Алекса́ндре! При́зри ми́лостивно на ны, недосто́йныя, мно́гими беззако́нии непотре́бны себѣ сотво́ршия, к ра́це моще́й твои́х<sup>48</sup> ны́не притека́ющия и из глубины́ се́рдца к тебѣ взыва́ющия: ты в жити́и своѣм ревни́тель и защи́тник Правосла́вныя ве́ры был еси́, и нас в ней те́плыми твои́ми моли́твами непоколеби́мы утверди́. Ты вели́кое, возложе́нное на тя служе́ние тща́тельно проходи́л еси́, и нас твоѣю по́мощию пребыва́ти коего́ждо, в не́же при́зван е́сть, наста́ви. Ты, победи́в полки́ супоста́тов, от преде́лов Росси́йских отгна́л еси́, и на нас ополча́ющихся всех ви́димых и неви́димых враго́в низложи́. Ты, оста́вив тле́нный венѣц ца́рства земна́го, избра́л еси́ безмо́лвное жити́е, и ны́не, пра́ведно венце́м нетле́нным увенча́нный, на Небесе́х ца́рствуеши, исходата́йствуй и нам, смире́нно мо́лим тя, жити́е ти́хое и безмяте́жное и к вѣчному Ца́рствию ше́ствие неукло́нное твои́м предста́тельством устро́й нам. Предста́ же со все́ми святы́ми Престо́лу Бо́жию, моли́ся о всех правосла́вных христиа́нех, да сохранит их Госпо́дь Бог Своѣю благода́тию в ми́ре, здра́вии, долгоде́нствии и всяком благополúчии в должáйшая лѣта, да при́сно сла́вим и благослови́м Бо́га, в Тро́ице Святе́й сла́вимаго Отца́, и Сы́на, и Свята́го Ду́ха, ны́не, и при́сно, и во ве́ки веко́в. Ами́нь.